

# ЛЕНИНЭНЬ КИЯВА

ОКТАБРЯНЬ

14 чи,

1935 ие

№ 109 (460)

ЛКСМ:

5-й по  
числу

ВЛКСМ-нь Мокшэрзянь обкомонть ды Саранскоень ошонь комитетэнь газетаст

## Од ломанень коммунистической Интернациональ весемасторлангонь VI-це конгрессэнь

Октябрень 7-це чинть самс конгрессэнь мольсть преният Михайл ялганть докладонзо коряс. Кода икелень, истяжо весе мейлень ораторнэ кортасть эсь масторост комсомолтнэнь роботадост, успехнэде ды асатыкстнэде, комсомолтнэнь ды од ломантнэнь борциямоност фашизмэнь; капиталонть эцманзо каршо, эсист интересэст кис, весе робочей классонть теветнэ кис.

Октябрень 7-це чинтэнь валске мартонь заседания эзь ульне. Чокшнень заседания пажовсь Чемаданов ялганть докладсонзо. Чемаданов ялганть вастызь пек виевстэ цяпазь. Сон теишь доклад социализмань кис бороямосонть советэнь Союзонь од ломантнэнь воспитанидонть.

Эсь докладонзо Чемаданов ялгась ушодызе „минек масторонь од поколениянь биографиянзо эйстэ“.

— Кодамо пек валдо ды паро минек эйкакштнэнь неень эрямост, — корты докладчикесь. Седе тов сон корты, што омбоце пель миллиондо ламо комсомолтнэнь мобилизовазь васень пятилеткань иетнестэ народной хозяйствань эрва кодамо отрослас. Омбоце пятилеткасонть комсомолось организовась соцпелкстамо техниканть тонавнеманзо кис. Арась кодамоак возможность евтнемс весе теитнэнь, кодатнэнь комсомолось теинзе тешканть перть.

Зярдо Чемаданов ялгась кортасть ламо сядт комсомолтнэде, конат казезь орденсь, конгрессэ виевстэ цяпазь приветствует героической ленинской комсомолонть.

Советэнь Союзонть, — корты Чемаданов ялгась, — касы од ломанть. Сонзэ касоманть кис пек мелятыть партиясь, правительствась, весе социалистической обществась. Кодат од ломанень качестванзо? Робочей классонть теветнэнь преданность, партиянь преданность. Минек од ломантьне пек вечксызь эсь социалистической родинанть.

Эсинзэ героической роботасонть ВЛКСМ-есь заслужил се оценканть конань тензэ максызе Сталин ялгась: „Ленинской комсомолось ульне ды кадови минек революциянь основной резервакс.“

Октябрень 8-це чинь валске мартонь ды чокшнень заседаниянэсэ мольсть преният Чемаданов ялганть докладонзо коряс. Васень-цекс кортасть Айтман ялгась (Германия), сон Чемаданов ялганть докладонзо ловизе изициянь од поколениянь докладокс, социализмань од строицятнэнь героической рапортос масторлангонь весе од ломанень движениянэнь.

Октябрень 11-це чинтэнь ульне од ломанень Коммунистической Интернациональнэ весемасторлангонь VI-це конгрессэнь заключительной заседания. Те заседаниясонть конгрессэсь вейкетть мельсэ примась резолюцият кунцолозь докладнэ коряс ды кочкась исполнительной од комитет.

## ВЛКСМ-нь фабрично-заводской комитетнэнь роботадост

### ВЛКСМ-нь ЦК-анть ПОСТАНОВЛЕНИЯЗО

Сталин ялганть лемсэ Челябинской тракторной ды „Красный треугольник“ (Ленинград) заводтнэнь комсомолонь комитетнэнь роботасть проверямонть ды комсомолонь заводской комитетнэнь роботасть вадрылгавтоматодо неть заводтнэнь комсомолтнэнь предложенияст кортавтоматонть мейле ВЛКСМ-ень ЦК-ась тешксты вана мезе:

а) фабрично-заводской комсомолонь ламо комитетт копирует райкомтнэнь роботасть берянь енкстнэнь, секе теветнэнь общей директиват, ютавнэнь проверкат ды обследованият, смотрат, походт ды конкурст, аволь чуросто ютнэнь злободневной вопростнэнь вакска, конань содамо бажить комсомолтнэнь ды од ломантьне.

ЧТЗ-нь комсомолонь комитетэсь ютавтнэсь „касомань практиканть проверямо“ теке жо шапке приемочной комиссиянь папкасо 5-6 ковт аштекшнэсть атак ванно 102 заявления. „Красный треугольник“ комсомолонь комитетэсь ютавтнэсь „конкурс массово-политической роботанть аравтоманзо коряс“, поход „комсомолтнэнь келень, прянь ветямонь ды внешностень культуранть“ кис, — теке жо шапке политтонавнемас эсь ульне таргазь 400 ломанть; средней образованиянь школас 400 тонавнициянть эйстэ 200 ломантьне лоткасть якамодо.

Истямо роботась не должен улемс свойственной фабрично-заводской комитетнэнь, секс, што сон (истямо роботась) меши тест улемс воспитательной роботань организовицакс ды истямо органокс, косто эрва комсомолтнэсь ды од робочесэ могут получама ответ весе сеть вопростнэ лангс, конань сон бажи содамс.

б) Комсомолонь комитетнэ лавшосто таргит комсомолтнэнь эсь организациясонть активнасто роботамо, седейстэ комсомолтнэнь ды од ломантьнэнь самостоятельностьт ды инициативаст полавнэть активень тея кругонь роботасо, кона (активесь) аволь чуросто теиневкшны комсомолтнэнь ды од ломантьнэнь лангсо администраторокс.

Первичной организациянь эрямонь пек важной вопростнэнь седейстэ решакшныть ськамост комитетэнь секретарьне ды комсоргтнэ, ды аволь чуросто те эли тона комсомолтнэнь кувалт решения примсит сонсинзэ комсомолтнэнь. Комсомолонь комитетэнь члектнэ а кандыть обязанность комитетэнь, ансяк якить заседания, те комитетэнь эйсэ коллективной руководствань органсто, конань кочкизь комсомолтнэнь воспитательной роботань организовамонть кис, решениянь ды комсомолтнэнь предложениясто оперативной тевет ютавтыця органсто теи

секретариатсонть совещательной органокс.

Комсомолонь комитетнэ ды, васняк, сынст секретарьне роботыть системавтомо, разбросанно, эсь перькаст а организовить активень келей круг. Комитетэнь заседания впростнэнь анокстыть беряньстэ ды седейстэ решакшныть „наскоком“. Протоколтнэнь теинэть беряньстэ, ды примазь решениянэнь, прок павила, тевет а ютавтыть.

ВЛКСМ-ень ЦК-ась теи постановления:

1. Комсомолонь фабрично-заводской комитетнэ ветяст пропагандистской робота, евтнест од ломантьнэнь партиянь решенияст, максост ответ весе сеть вопростнэ лангс, конатнэнь бажить содамс од ломантьне, ютавтнест беседат, докладт, лекцият, политической ды художественной литературань ловнома, улест од ломантьнэнь коммунистической воспитаниань алкуксонь организаторокс.

а) комитетэнь перька пурнаимс квалифицировазь пропагандистт, лектортт, преподавательт, инженерт, физкультурникт, эрва кодамо кружоконь руководителть, клубонь роботникт, библиотекарть, сынст лездеамост марто организовамс предприятия од ломантьнэнь воспитанианть.

б) Организовамс комсомолонь школатнэнь ды кружоктнэнь парсте комплектованианть, ловомс эрва комсомолтнэнь знаниянзо; кочкамс квалифицировазь пропагандистт ды регулярно ютавнемс пропагандистской семинарсо сынст анокстамонть; ваномс сень мельга, штобу комсомолтнэ занятиав сакшно-вольт анокстэ; комитетнэнь заседаниясо секе тевет кунцолокшномс кружоктнэнь роботадост пропагандистнэнь докладт ды тонавнициянть отчет сынст успеваемостедест.

в) Комитетэнь тевет агитколлектив комитетэнь заданиянзо коряс комсомолонь группасо, общежитиясо ды якстере уголоксо беседань ды докладонь ютавнеманть кис.

г) Покш мель путомс общежитиясо политической ды культурной роботанть аравтоманть, организациям эйсэст (общекитайнэсэ) газетань, литературань ловнома, беседань, самостоятельностьт чокшнэнь ютавнемань, общежитиясо роботань ютавтоманть кис явтамс организаторт, анокстэзь комсомолтнэ.

д) Регулярнойстэ, эрва ковнэ весть, аволь седе аламоксть, ютавнемс активень беседат СССР-энь неень шанке лиямастортнэ ютксо ды внутренней положениадонзо, беседань ютавнемэ таргамс партийной вийтнэнь ды политически грамотной комсомолтнэнь.

е) Лездеамс сеть комсомолтнэнь, конат башка-башка эли группасо тонавнэть Марксонь—

Энгельсэнь—Ленинэнь—Сталинэнь произведенийст, сынст кис комитетэнь тевет квалифицировазь консультация.

2. Фабрично-заводской комитетнэнь эрва организовамс производствасо комсомолтнэнь ды од ломантьнэнь примерной робота, содамс ды эсь шкасто реагировать од ломантьнэнь нужаст ды запросост лангс, виензамс роботанть од ломантьнэнь материально-бытовой положениаст вадрылгавтоманть коряс, штобу жив ломантьнэнь, ударниктнэнь, производствань отличниктнэнь кис мелявтомась улевель комсомолонь первичной организациянть весе роботасонзо главнекс.

а) Комитетнэнь эрва пек кеместэ роботама сень лангсо, штобу эрва комсомолтнэсь производствасо ударникекс пелькставоль станоконь, агрегатонь коряс эсь ялганзо марто, неветель дисциплинированность ды роботанть сознательной отношениянь пример. Секе тевет проверякшномс, кода комсомолтнэ толавнэть социалистической договортнэнь, ютавнемс опытань макснема ды отличниктнэнь покш показателест нолдамс весе комсомолтнэнь ды од ломантьнэнь юткс.

б) Тевет истямо порядка, штобу комсомолтнэнь, од ломантьнэнь заявленияст ды пенциямост коряс обязательно тевет расследования ды результатнэде кунцоломс комитетэнь заседаниясо, косо улезэ сеяк, кона максызе заявлениянть.

в) Атак лотке ветямс робота производствасо од ломантьнэнь продвижениянь коряс. Организовамс чернорабочейтнэнь ды подсобниктнэнь тонавтома ды квалифицированной роботас аравтомат.

Кармавомс комсомолонь комитетнэнь октябрень 20-це чинть самс прядомс цехтизва од ломантьнэнь ды подросткатнэнь роботасть коряс общественной инспекторт.

Эрва предприятиясонть таго кочкамс профсоюзонь фабзавкомтнэс представительт од ломантьне пельде.

г) Техниканть тонавнеманзо кис комсомолонь бороямонь примерэнзэ коряс организовамс комсомолтнэнь ды од ломантьнэнь общей образованиянь ды лия масторонь келень тонавнемань эрва кодат формат, икеле пелев седейк вадрылгавтомс средней образованиянь школатнэнь роботасть, организовамс общеобразовательной кружокт, консультацият, организовамс заочной тонавнемат. Эрвата цеховой комсомольской организациясонть явтамс од ломантьнэнь самообразованиянь организатор ды явтавомс специальной роботникт конат ветявольт те теветнэ профорганизациясо, клубсо.

(Пезэ омбоце страницасо)



# ВЛКСМ-нь фабрично-заводской комитетнэнь роботадост

ВЛКСМ нь ЦК-анть постановлениязо

(ПЕЗЭ)

д) Теёмс эрва кодат кружокт од ломантнень мелест коряс (музыкальной, хоровой, драматической, шашечно-шахматной, рисованной и линой), седе пек ламолгавомс ды вадрылгавомс роботаст физкультурной, стрелковой, парашютной, кружоктнэнь, ливтнема теветь, планернэнь, моторнэнь, танкнэнь ды военной теветь лия видтнэнь тонгемань коряс группатнэнь, ветямс эрва шкань наблюдения ды комсомолонь комитетнэнь заседаниязо кунцолокшномс кружоктнэнь отчетт.

3. Комитетнэнь секретарьтнэнь ды члентнэнь эсь роботамос шкостот сех пек улемс тосо, косто од ломаньтне (цеховой организациясо ды группасо, общежитиясо, парко, клубсо, кружоксо), тосо лездемс, витемс асаты кстнэ, ютавтнемс регулярной беседа, комсомолетнэ, цехень активнэнь ды группоргтнэ марто, вейсэ сынт марто толковамс партиянь ды комсомолонь важнейшей решенияст, кортавтнемс цеховой организациянь группатнэнь роботамонь вопроствнэнь, макснемс эсь опытэсь лиятнэнь ды саемс лиятнэнь опытэст, тешкстамс практической мероприятияа очередной задачатнэнь топавтомань коряс.

Теёмс истямо порядка, штобу комитетнэнь роботамонь планонь теёмстэ ловомс комсомолетнэнь ды од ломаньтнэнь запросыст ды предложенияст, планось теёмс сынт участияст марто ды кемекстамс комсомолетнэнь вейсэнь промкссо.

Комитетнэнь эрва эсь решениянзо пачтемс эрва комсомолетнэнь, теень кис протоколсь ловномс комсомолонь промкссо ды группасо.

4. Штобу вадрылгавомс оперативной руководствань, теень кис комитетнэсь явтамс комите-

тнэнь члентнэнь ды активной комсомолетнэ эйстэ организаторт комсомолонь роботань эрва кодамо теветне коряс (политобразованиянь, культурно-массовой роботань, военно-физкультурной роботань, общей образованиянь ды сермас а содамонь маштомань, механической образованиянь, легкой кавалериянь) ды лия теветнэ коряс). Эрва организатортнэнь бсь теветнэ эрва пурнамс актив цехсэ, группасо, секе теветнэ инструктировамс сынт, организовамс ды проврямс комитетнэнь заданиятнэнь ды промксонь решениятнэнь теветс ютавтомань.

5. Ловомс а видекус, зярдэ комсомолетнэнь манснить заданият сынт мелест атак лова ды мукшнэнь комсомолетнэнь формальной, киненьгак а эрвакс "нагрузкат".

Комсомолетнэнь общественной роботаст васняк эрва ютавомс комсомолетнэнь покш самостоятельность коряс (политической беседань организовамось, газетань ловномась, изобретательствань, рационализациянь, военной теветнэ тонавтнемань, экскурсиянь ютавтнемань коряс инициативной группань тейнемась, театрав, музеев якамось, художественной литературынь ловномась, самостоятельность чокшнэнь тейнемась, эрва кодамо кружоконь организовамось ды лият).

Комсомолонь комитетнэ секе тевет лездемс комсомолетнэнь общественной роботань топавтомань коряс, евтнемс, кода топавтомс максозь теветнэнь ды проврямс сонзэ теветс ютавтомань.

6. Ловомс а видекус теветсэ порядкань, зярдэ предприятиясо (сех пек среднейсэ ды покшсо) а пурнакшнэнь весе заводонь ды фабрикань комсомолетнэнь вейсэнь промкс, теень тар-

кас иенть вест-кавксть ютавтнить конференцият, кочкить делегат цехстэ. ВЛКСМ-ень ЦК-ась мери комсомолонь весе комитетнэнь ютавтнемс весе заводонь комсомолонь вейсэнь промкс вест кавто ковс, аволь седе чуросто сеть организациянэсэ, косо улить 500 до ламо комсомолетт, ды эрва ковнэ вест, аволь седе чуросто тосо, косо комсомолетнэде 500 седе аламо.

7. Штобу седе парсте организовамс фабрично-заводской комитетнэнь роботаст, теёмс истят полавтовкст сынт организационной структура тнэнь:

а) цехсэ, косо улить 30 ды седе ламо комсомолетт, кочкамс цеховой комсомольской организациянь бюро.

Бюронь составстонть цеховой комсомольской промкссо кочкамс цеховой комсомольской организациянь комсорг.

б) Сеть цехтнэсэ, косо улить сменат робочеень эрва шкань состав марто (сех пек текстильнойсэ, швейнойсэ, резиновойсэ, обувнойсэ, ды промышленностнэнь лия пельксэ), теёмс сменной цеховой комсомольской организацият, конат видьстэ кармить подчиняться весе заводонь комсомолонь комитетнэнь.

в) ламо предприятияа комсомольской группатне покшт (30 50 ломаньт) ды а видеустэ организоваз, ЦК-сь мери тейнемс комсомольской группатнэнь участва, пролетка, агрегатка, истя, штобу те группань комсомолетнэ роботавольте вейке сменасо.

г) нолдамс фабрично-заводской комсомолонь комитетсэ приемочной комиссиятнэнь, приамс эрванть комитетнэнь заседаниясо.

## ИЧАЛКАНЬ ГЛАДИАТОР

Кезэрень Римсэнь царской сех покш сановниктнэ, бояртнэ ды священно-служительтне развлекались гладиаторонь\*) эсь ютковаст ды зверь марто сынт боролжамоснэ. Тевтеме аштемась, развратось, пошлостне а вителиз дворянтнэнь мелест ды сынь организовакшнэнь гладиаторонь бойть развлечениянь ды потехань кис. Нама, вампиртнэ мезекскак эсть лова уретнэнь эржмост, конат (уретне) маштневильте сынест потехань тейнемстэ.

Инязоронь правительствась весе эсь эржмонзо перть Россиянт ке лес стройсесь церкуват, тюрьмат, манастырьте ды кабакт. Кирвастиль национальной вражданть, шныль турематнэнь — дикой обычаенть конань се шкане ловсть весила оймсиакс.

Октябрынь революциясь тапинзэ инязоронь Россиянт весе культурной учреждениянзо. Сон макссь од ломаньтнэнь культурной касо мань ды парсте, разумнойсэ оймсемань истят возможность, кодат арасельте ломаньтнэнь эржмонь весе историясонть.

Минек ине родинанть од ломаньтне весе теень чаркодить, неить ды молить се кияванть, конань невтиз Ленин ды Сталин, минек партиясь. Ней чуросто муят истя-

мо веде, колхоз, косо бу аволь уле клуб, ловнома кудо, од ломаньтнэнь чокшнэнь общеобразовательной школат, драматической ды эрва кодат лия кружокт, косо минек од ломаньтне парсте ды весиласто ютавтыть ютко шкаст.

Но, кода кортнить удалов кадовозь ломаньтне, азэрить правилат исключениявтомо. Истя, бульчом, арсить Ичалкань райкомолонь ды сех пек Ичалка велень советнэнь руководителтне.

Ичалкань вельсоветсэнь, кода лия вельсоветсэнь, ульнесь платной единица — избач, ды секс, што природась а вечки ды а кирди чаво таркат, Ичалкань комсомолонь РК-сь, РОНО-сь ды вельсоветсэ решизь те чаво тарканть пештыамс мейсэяк. Эрвась муемс избач.

Кувать вешнемс эзь саво. Ломань ульнесь муезь — Названов Михаил Васильевич. Те ломанесь, кона ульнесь аволь ансяк избач, но истяжо Ичалкасо Сталин лемсэ колхозонть комсорг, — сон бойкасто кундась теветс.

Кувать атак арсе, сон решизе октябрынь 6-це чистэнь (недлечи стэ) организовамс турема. Ды эрва арсемс, туремась лиссь парсте, секс, што сонсь Названов КСМ-ень РК-анть тердеманзо коряс вельсоветсэ турима таркастонть сась таргозезь, тапазсь сельме марто.

Римсэ ды икелень инязоронь Россиясонть турематнэнь организовакшнылизь развращенной аристокра-

тиянтень потехань кис, конат развлекались теень эйсэ, Ичалкань вояктнэ жо, дикой обычаентнэнь ды койтнэнь кирдэзь ды теветс ютавтозсь, бульчом теень эйсэ истяжо ловить развлечениякс. Районной организациятне ды райкомолось неть турематнэнь тонадсть уш ды теень ловить нать нормальной теветс.

Важно истяжо тешкстамс, што Ичалка велесэнь арась клубгак, ловнома кудояк, видьстэ меремс, ловнома кудо ули, но сон избачонть, комсоргонть Названовонь, вельсоветнэнь председателть Поляковонь ды колхозонь председателть Гоничаевонь чумост коряс ловнома кудось кода эрва атак витне.

Сень кис, штобу организовамс робочейте ловнома кудонть витнеме, Ичалкань горе-руководителтне организовакшныть туремат.

Новиков комсоргось неяви истямо убогойкс ды аволь способнойкс, што сонзэ вейкеяк чи а эрва кирдемс комсоргос. Комсомолонь промкс а ютавти, комсомолонь хозяйстванть калавтызе, емавтизе, политзанятия а эрить, роботамонь план арась, ды бути эщо весе теень поладомс сень, што сон симкиши винадо, то комсомолсожк сонзэ арась тарка.

Весе теде соды Ичалкань ВЛКСМ-ень райкомось, но сон кодаткак мерат эзь прима. Райкомонть эрва кундамс те первичной организациянтень, панемс тосто гладиаторонть ды парсте аравтомс роботанть.

## ИСТЯТ ВЕЧЕРТ А ТЕЙНЕМС

Октябрынь котоце чистэ Рузаевкань ошонь ульцатнезэ ульнесь педявтнезэ яволявкст: „Тече б част чокшне карми улеме вечер допризывниктнэнь. Васня ули доклад международной обстановкандонть, мейле увеселительная часть: танецт, налксемат. Ули баян“. Паро. Допризывниктнэнь мельс паро. Ильтясыз покш забота марто. Вечерэнь пельде допризывниктнэ учость ламо. Васнятияк чись, оймсемань чи. Ломанть сыть ламо. Комсомолонь райкомось ды Рузаевкань кинь политотделэсь невтьсыз од ломаньтнэнь, кодат допризывникт анокстась Якстере армияв.

Допризывниктнэ кенярдокш юсть, сыть вечерэнтень содавикс тейтерь ялгаст ды мирем ялгаст ояст. Кавто йень ютамс остаткадо киштить, морить, налксить марто.

Стяло емасть кеняркшноматне, учнематне. Чокшне 6 часонь таркас, вечерэнь панжизь 10 чассто.

Те эщо мезе? Учовсь. Клубсонть а р а с т ь а п л а к а т, а лозунгт, а мезеяк лия. Весе арьсесть те обыкновенной вечер, кодат эрьсить неорганизованной вечерт. Допризывниктнэнь кияк эзь фатя, сынь коендож а содавить од ломаньтнэнь ютксто.

Вечерэнь президиумсо арасельте политотделэнь руководителтне. Обидявозь аштесть транспортонь допризывниктнэ. Бирик тусь Московов, Грибанов (?), кияк а соды Грибановдо.

Ансяк вечерэсь ушодовсь, райкомонь секретаресь Рожков паниньзе тейтерьтнэнь. Тусть ламо допризывникт. Мекс нельзэ ульнесь тейтертнэнь кунсолос докладось? Бутим виздсь докладчикесь Лебедев, коната эзь анокста докладонть, коната сускомонь сускомонь ертнесь „Международной положения. Международной обстановка обострена. Угрожает мировая катастрофа“. Лебедев кортась эрва мезьде, ансяк эзь корта мекс СССР ашти кеместэ те катастрофанть ютксо. Мекс виев Якстере армиясь. Кинь ильтить армияв, кодамо настроения марто Кинь ванстома сынь молить, капиталистнэнь (кода тосо-омбо масторсо) эли социалистической отечестванть, косо арась эксплуататорт, косо армияв милициятне сынсь азорт.

Истя докладт, кодамо тейсь Лебедев мердянт тейнеме Лебедевнэньгак. Секс прениясо кортасть ансяк кавто ломанть.

Истяжо ютась увеселительная частесь. Меньгак баян арасельте, танецт, налксемат арасельте. Невть кино колатань Рузаевка ваны нилеце чи.

Вечерэнтень писемстэ допризывник Таянов мерз, „вечерэнтень учинь ламо, лиссь мей бути тапавкс“.

Видеть Таяновонь валонзо. Дм. Бакулин.

## ОЙМСЕМАНЬ КОМНАТАСОНЬ ВЕСЕЛА

Кочкуровань образцово школасонть посещаемостесь, успеваемостесь ды дисциплинась вадрат.

Вадрасто учениктнэнь ютксо аравтозь культурно-воспитальной роботаскак.

Школань заведующесэ Смирнов организоваз оймсемань комнату, косо учениктнэ переменаство, занятиядо мейле культурнасто оймсекшныть. Ютавти коллективной налксемат, киштнемат. Оймсемань кочнатанть Смирнов рамась музыкальной инструмент балалайкат ды лият. Учениктнэ тонавтнить балалайкасо морамо.

Нама теень лангс лоткамс а эрва. Эщо седияк виевгавомс учениктнэнь ютксо культмассовой ды воспитательной роботанть.

Мих. Кафт.

\*) Гладиатор — циркень боец кезэрень, Римсэнь, кона публиканть мелензэ витемань кис бороциль, тюриль эсинзэ яланзо марго эли хищный зверь марто; гладиаторкс ульнекшность оуреть (рабы) эли военно, плен нойть.



# Синдемс тейтерь - аватненъ ютксо роботанъ недооценкантъ

## ГНУСНОЙ ТЕВ

Эмиль Пятай

Местъ ансяк эшо яла а эрить велесъ од цератненъ ды тейтертненъ ютксо? Кода ансяк од цератне а кольнить а пеелить ды а наргить тейтертне лангсо. Эрэва кода! Минек неень шканъ од ломаньтне ютксо улить эшо седикелень дикой отношеият тейтертне-ненъ. Тейтертне лангс ванить ко-дамо бути истямо предмет лангс, конанъ марто сынъ тейнить местъ мелест. Од цератне ловить тейтертне лангсо прят азорокс. Минек од ломаньтненъ ды мик комсомолецтнзнь ютксо ламо эшо улить тейтертненъ отношеиясонть пошлякт, хамт.

Вана тенк алкуксонъ тев, кона ульнесъ Трокужж велесъ (Чамзинканъ район).

А местъ кортамс седе, што велень од ломаньтненъ эрямосост чокшненъ улыцанъ аштитъ истямокс, конатненъ ловить ютко шканъ веселасто ютавтомакс. Ламо велёва комсомолонъ организациятне ломаньтне ютксо культурной робота а ветить.

Од цератне тосо эсь прят марить апак онкста, апак тертя Тейнить местъ мелест! Сех ламо од цератне эрэва чокшне мукшнть эстест яла лия однасут.

Вана минъ тесэ невтяно тейтертненъ отношеиясонть эшо седеяк пек пошлой хамской, издевательской тев.

\*\*\*

Трокужж велень улыцанъ вейке таркасо чокшне аштекшнть ды кортнить тейтерть. Юткост улить од цератка. Федякин Яшка мольсь вейке ялганзо ваксс ды мерсь;

— Вана, брат, кодамо тев, мон арсян рамамс Фильканъ однасу-монзо В-а М-нь. Сон, Филька, ве-ши литра вина, мон жо макс-нян пельлитра. Кода тон арсят, зняро максомс тензэ?

— Э э, те тевесъ паро. Рамамс эряви. Тейтересъ вадра. Ансяк ли-трасъ ламо, кодаяк маник пельли-традо...

Эшо местъ бути кортнестъ яла. Мейле Яшка мольсь весе од ло-маньтне, юткс ды пижакадсь: мон пель литрадо рамаса Фильканъ однасумонзо. Эх, кодамо вадра тей-тересъ!..

Весе арсестъ, што сон нетъ вал-тнзнь евтнзэ истяк ды раксезъ кармасть кортнеме.

— Чей минеккак тердсамизъ си-меме... Складчина эшо каятано. Це-ла свадьба лиси...

— Эно кода, весе тердтадызъ.

Но улыцась мекс бути курок розналгасъ, тейтертне ды од це-ратне тукшность кудова.

Ялга марто кудов ютыль Павлов Филька комсомолецъ, самай се хамосъ, кона ушодсь вейке тейтеръ лангсо наръгамонъ истямо пошлой тев. Самай сон Федякин Яшканень арси миёмс однасумонзо лиякс меремс се тейтерентъ, кона марто сон яксесъ.

Юты те хамосъ, Павлов Филька ял-ганзо марто ды кортни:

— Арсян миёмс однасумонть, Пек сась винадо симемам Ды глав-ноесъ аволь теньсэ. Эряви тейте-рентъ эйтэ кодаяк менемс. Мон яксинъ мартонзо ды мезе эрявсь тень—теия. Ней сон кортни саима, келя, никс, ато наясъ бе-рянь тев лиси.

— Никс, мери, саемак... Оно ко-дамо,—мерсь ялгасъ.

— Пек штоли питней сон монень. Лияткак эшо ламо. Урвакстома ке-нердяно, эряви те шкантъ а удомс, кенеремс седе ламо тейтерть ютамс...

—Таго кортасъ Филька Сон ялган-стэнь евтнзэ сень, што тензэ тей-терентъ кис максни Федяшкин Яшка пель литра. Ды ялгасъ мерсь: эря-ви миёмс, саты пель литрасьяк, менят котъ эйтэнзэ, ато эшо педи эйзэть...

Ютасъ чи, ды Фильканъ кедьстэ Яшка рамасъ пель литрадо тейтеръ. Сынъ те винантъ кавонест симизъ-гак Чамзинкасо.

В. М.—колхозонъ вадра ударница весела од тейтеръ, лиятненъ паро ялга. Сон Павлов Филька марто яксесъ ды кемс лангзонзо прок комсомолец лангс. Те жо пошлой типесъ теизе „мезе тензэ эрявсь“ ды ней, штобу менемс тейтерентъ эйтэ, миизе сонзэ лияненъ.

Те глупой, но пек грубой фак-тосъ корты седе, што Трокужжж велень комсомолонъ организациясь кодамоак робота а вети од ломань-ненъ ютксо, што тосо котъ кие может теемс котъ кодамо дикой тев. Те фактосъ жо корты седе, што райкомолосъ кодамоак робота а вети од тейтертне ды весе од ло-маньтне ютксо.

Кемдяно, што райкомосъ прес-ловутой типентъ, Павлов Филип марто прими сех казямс мерат, ис-тя, штобу икеле пелев киненьгак не поводно улелель тейнемс тей-тертне лангсо издевательстванъ тевть.

И. Бояр ин

## Мекс стувтызь Женянь?

Чувашова Женя, Кшуманцянь пер-вичной организациясонть, ськамо-нзо тейтересъ. Сон икеле ульнесъ активной комсомолкакс. Кавто-ко-лмо иеть роботась Комсомолс невтсь эрванть пример, пример кода эряви роботамс, мейстэ ушо-домс ды кода ветямс тевесъ пев.

Вана тень кисэ, комсомолс вад-рясто роботамонть кисэ Чувашо-ванъ аравтызь комсоргокс.

Чувашова комсоргокс роботась кавтошка ие, Робогасъ вадрясто. Сонзэ комсоргокс пингстанзэ вадра-ого мольсть тевтне организация-сонть. Весе роботась ветявсь пла-нонь коряс. Промкст, политзанятият ютавтнестъ аккуратнасто. Сонзэ пингстэ весе комсомолецтнэ уль-нестъ таргазъ общественной роботас-Эрвасъ марясь пранзо прок алкуксон комсомолецк, кассъ, кемекстасъ. Сонсензэ Женянь организациясонть ульнесъ авторитетэзэ ды аволь ан-ска организациясонть райкомонть икелеяк.

ВЛКСМ-нь райкомосъ кшуман-цянь организациянтъ ловсь вадра-организациякс. Чувашованъ робо-тантъ примерсэ тонавтсь лия орга-низациятненъгак ды организациянь руководительтненъ, кода эряви ро-ботамс.

Истя улынесъ икеле, лиякс аш-титъ тевтне ней.

Чувашова лиссь мирденень. Овси сезевсь организациясонть. Ды сон дедензэ Мейле Кшуманцянь орга-низациясонть мекейланг тусть тевтне. Мадсь те толнесъ, конась улынесъ Женянь пингстэ, конаньсэ палстъ комсомолецтнэ Женядо мей-ле комсомолецтнэ прок кадов-стъ „кедьтеме“, лоткастэ эстест-тевень муимадо Женя мирденень лисемадо мейле овси лоткастэ про-мксов, политзанятият якамодо. Пранзояк комсомолецтнэненъ нев-тнесъ.

Лоткастэ пранзо невтнемадо се-кс, што мирдзэ ковгак а нолдтне-сы. Кардызе. Ламокстэ кортазсь тен-зэ—бутим комсомолецтнэнь мар-то кармат усксевеме, сейса прят-

как.

Вана ве чокшне весе комсо-молецтнэ пурнавсь ве куцас ды кармасть кортнеме Чувашо-вадо. Мекс сон а нексневи. Ко-со эрси, а сэрди ли? Решизъ те-вентъ. Модемс тензэ кудов содав-томанзо.

Сыргастъ мирем. Эрванть уль-несъ мелезэ содамс те история-донть, конась лиссь Чувашова мар-то.

Комсомолецтнэ Женянь застанизъ кудосто. Аштесъ сон пранъ нолдазъ, марявсь што апародо пеш-ксе потмозо.

Знярдо Боря комсомолецъс кев-кстизе—мекс истя, мекс а векшне-ват? Женя сельведень пачк отве-часъ,—Мень листнемат, а нолдтни эйсэм мирдем. Кодак ансяк ков прям пурнасо мирдем ку-нды паравтомам. Местъ уш корта-мс вано пильге лангсо эль правт-самам.

Комсомолецтнэ снартнестъ кор-тнемс Вася мирдензэ мартояк. Ар-сестъ, што Вася сынст чарькодс-нзе ды лотки Женянь обижамодо, карми нолдтнеманзо, комсомолс-роботамо. Но Вася кежевстэ кер-нэе комсомолецтнэнь валост. Ке-жень пачк пижакадсь лангзост,—„нисъ монъ, местъ хочу сень тей-нян лангсонзо, а местъ тесэ тенк-указовам“.

Вася панинзе кудостонзо комсо-молецтнэнь

Комсомолецтнэ тусть. Ды те ява-модонть мейле сынгак стувтызь-женянь. Вана уш пель ие юты, кода Женя а роботы комсомолс-Ашти кудосо, прок нармунъ кет-кас, ковгак а яки, а некснэсы оля-чинтъ.

Мекс мекев стувтызь Женянь, мекс кияк а идесы, а меньстасы „палач“ мирдеать экшстэ.

Минъ кемдяно, комсомолонъ Ча-мзинканъ райкомосъ варшты кшуманцянь организациянтъ лангс-меньстасы Чувашова комсомолкантъ „клеткастонть“

Д Горбунов.

## Тейтерень тарка вакссо

(Фельетононъ таркас)

КЕМЛЯ велесъ ули комсомолец, пар-тиянь кандидат, Мизенин, кона аволь пек умок панизе, нинзэ урвакстома ошбоц, 18 иесэ тейтерька лангс ды яксесъ эшо лия-ненъ. Минъ тесэ невтяно, кода те хамосъ, пошляксь яксесъ колмоцэ тейтерентъ, эрэва кода арсесъ манимонзо.

### МИЗЕНИН

Нолдамака, Роза, Мадеме ваксозот, Арсян кутмордамот, Пси турвас паламот. Евтнесынъ теть валон, Вечкеманъ пси валан Эйзэть.. Мезде пелят, Натъ арасъ тонъ мелеть, Натъ а вечкат эйсэнь?.. Секс уш эрэва мейсэ Эль эйтэть тылкадят, Вастомсто—а пшкадят. Сан теть тей—а кортат.. Ней жо мезе евтат?..

### ТЕЙТЕРЕСЬ

Азе таркам вакссо... Прям наръгамс а максса. Тон снартнят манимон, Теле уш содан мон... Кортнят, што вечксамак Ды мик нис сайсамак. Арсят, што а фатить Ды прят максить—на теть... Понгить а истямос... Оргеть тон, оймамо Кадомак, марить, Азе тов, ков кить...

### МИЗЕНИН

Ней тон од тейтерят Ды истямокс мерят Улят весе пингетъ? Арасъ... ней мон сынъ теть... Больши уш а васттан. Фатят, ды а шкасто.. Тонс кармат чийнеме Мельган, моъ вешнеме.. Истяк а эряват, Мирденень эряви Зярдояк ды лисемс... Тейтеръ малев сисем Эрэва од церанть Савить. Кой конантъ Седаяк мик ламо... Лиясь бу чекамо Кармаволь, што тензэ Сакшны цера. Теньсэ Эсь пранзо мик шнаволь, Тонъ жо прят натъ чаво... Панят эйсэнь.. Туян Ды мон лия муян, Аволь седе барянь, Тонетъ видьсиз мерян (Саст котъ кода кежеть) Кадоват пингезэть, Мондены башка лия, А сайдянзат кияк..

### ТЕЙТЕРЕСЬ

Азе мук кинь мелеть, Тесэ а местъ келеть Човсемс, кургот автнемс, Монъ эйсэ гандавтнемс... Шка сы—мирде лиси, А местъ теть монъ кисэ Ризнамс, мельган пансемс, Апак визде маншемс. Снартнемс тев тееме—Тейтерькс-чим саеме.. Стяко мельган пансят, Шкантъ ютавтнят ансяк. Улкояк теть меринь—А тонъ кис тейтерян... Мезеяк а лиси, Азе тесэ.. Весе...

### МИЗЕНИН

Э-э-х, ужо.. истямо... Ды.. эрэва.. кодамо... Мон эшо тоневтан, Киштеме кармавттан... Мон тейса тонъ теветъ, Веляткавтсынъ пзеветъ... А стувтса те кежентъ, Теян теть котъ мезе... Тейдян пеле кулык, Усксевича нула... Ней тон улыцав листя, Мекев кудов кисьяк А муеви мейле.. Котъ местъ иля тейне, Тон эйтэнь а менят, Мон ужо, тонъ.. тень...

### ТЕЙТЕРЕСЬ

Ды тон местъ тень педить.. Лангзон мик кедеть Арсят кепедеме, Тень барянь тееме... Снартня токामон.. Натъ максса ней прям мон Нарьгамс эрэва кинень... Тонъ кондят некснинек Истят чары-ревать... Оргеть, тесэ теветъ Арасъ... Котъ од церат, Мон а кирдса корот, Мездеяк а пелян, Ды теть видьсиз мерян: Буги мезе теят—Тонс паронть а неят...

### МИЗЕНИН

Вот вансы тарк мельне...

### ТЕЙТЕРЕСЬ

Азе, иля нерне..



## Юнкоронь сермат

### ОД ТЕЙТЕРЬ- АВАТНЕНЬ ЮТКСО А РОБОТЫТЬ

Од тейтерь-ава ютксо роботадо ВЛКСМ-нь ЦК нь решениясь Кочкуровань районсо а топавтови. Тосо тейтерь-аватненъ ютксо а роботыть. Весе районсонть сядо ламо комсомолкат. Нетъ комсомолкатненъ марто арась кодамоак робота. Секс вана комсомолкатненъ пельде аволь чуросто листнить истят тевть, а як-силь промксон, а пандыть шкастон-зо взност ды лият.

Косолапова Тая комсомолкась. Од тягловкань организациясто, кото ковт эзь пандо взност, Юксенькина кевийкее ковт эзь пандо. Очкинанъ тожо алак пандо.

Косолапова Аня комсомолкась лиссь мирденень, веччась поп мар-то церкувасо.

Ульнестъ факт, знярдо районсо башка комсомолкатне (Косолапова) мольсть аволь плановой сюронь рамсиманть каршо.

Нетъ фактнэ кортыть комсомолкатненъ, од тейтерь-аватненъ ютксо роботанъ аразь чидентъ.

ВЛКСМ-нь Кочкурованъ райкомон-тень эряви арсемс тень кувалт.  
Миф. Гай.

### БЕКШАЕВ КОМСОРГОСЬ ХУЛИГАН

Чамзинканъ р-н Бекшаев Антон умок уш роботы комсоргокс Кшуманцанъ первичной организациясонть. Сонзэ покш стажозо ды те стажонть коряс эриволь бу улемс тензэ ламоопыт марто. Но аволь истя ашти тевесъ. Бекшаев овси а нейти прынзо организаторкс, па-ро руководителкс. Сон комсомольской организациясонть овси а ро-боты. Промкст а тердтни. Политк-ружукт арасъ.

Теде башка сон сонсь нейти бе-рянь примерт. Сеедьстэ Ивашкин И. ялганзо марто симни винадо. Чок-шненъ ульцясо севношны, тюрк-шнэ. А умок сон чавизе Бакаев Васянь.

Ней Бекшаев Антон роботы за-готзерносо охранникекс, эрва чи-стэ поздаякшны робтас.

Кемдяно комсомолонъ Чамзин-канъ райкомось прими мерат Бек-шаев марто.

А. Кузнецов

### Калавтыть в.-хоз. артелень уставонть

Краснослободской р-н. „Нац-мен“ колхозсо, колхозниктнэ при-мизь вельхоз артеленъ од уставонть. Уставсонть ули пункт, косо серма-дозь, што пешксэ э колхозница аватненень максомс отпуск вейке ков шачтамодо икеле ды вейке ков шачтамодо мейле, весемензэ кавто ковт.

Те пунктось колхо сонть а то-павтови. Пешксэ аватненень а макснить отпуск. Вана Маскайкин Дриганъ низэ шачтась цютъ а тин-ге лангс. Авась роботась шачта-мозонзо, эсть макстне тензэ отпуск. Ды лияткак факт ульнестъ.

Маскайкин Дрига колхозонъ пред-седатель калавты в.-хоз. артеленъ уставонть, эзь максо эсинзэ ни-стэнь отпуск.

Ин.

Мордов. Маскин Выс. в-сов.

## Границанъ томбале

### Абиссиниясо военной действиятне

Военной действиятненъ васень недлясь эзь максо Италиянь импе-риалистнэненъ нетъ вадра успехт-нэнь, конатненъ лангс смнст уль-несъ кемемась войнанть ушодом-сто.

Куш сынъ совастыкак Абиссини-янь потс знярыя кементъ кило-метрнэ тарка, но сынст кедьс саезь модась—пустынянь тарка, косо населениянь пунктнде пек аламо. Седе населенной пунктнде сынъ сайсть ансяк Адуа ошонть.

Ней пеле ве ено фронтсонть мо-ли наступлениясь Аксум ошонть лангс (Адуа ошонть эйстэ 15 ки-лометр), конанъ ули стратеги-ческой значениязо: тосо ули пло-щадка, кона ашти пек вадра тар-какс аэродромонть. Италиянь войскане аштитъ пандо ютконъ теине проходнтэс, кона таркась абиссинской снайпертнэненъ ашти леднеманъ паро условиякс. Абисси-ниянь покш частьне истяжо мо-литъ Аксумонть енов.

Харарсэ (горговой покш ошось, Аддис—Абебасто юго востоконтень

380 километрнэ таркасо) учить воздушной атаканть. Ламо ават ды эйкакшт кадызь уш ошонть ды кекшнить вирьга ды паксыз. Церат не анокстыть неприятелень вас-томантень. Эрва чистэ моли ново-бранецтнэнь тонавомась. Тонав-тыть 12 иестэ саезь 60 иес.

Англиянь газетатненъ куляст ко-ряс, Абиссиниянь отрядтнэ, конат совастъ Италиянь территориятень—Эритрея—успешнойстэ моли-ть икелев. Абиссиниянь солдатнэ ютавтывть тевс партизанской дей-ствиятненъ, конат максыть сынст покш успехт. Италиянь самолетнэ ливтнить пандо прятненъ вельска ды почти а муить кинь лангс ка-ямс бомбат.

Абиссинецтнэ яла занить Адуа ошонъ маласо населенной таркат-ненъ. Сынъ бажить кемекставомс Адуанть эйстэ 64 километрнэ тар-касо пандо ютктнэнь эйсэ. Пачтитъ кулят, што пеле ве ено районтнэнь ванстома, абиссинецтнэ пурнась малав 600 тыщат войска.

### НУРЬКИНЕСТЭ

Октябрынь 11-це чистэнь пря-дызе эсь роботанзо Нациянь Ли-ганъ пленумось. Заседаниянь пек-стамсто Нациянь Лиганъ Советэнь председателесь Бенеш мерсь—54 государстватне эйстэ 4—Италия, Австрия, Венгрия ды Албания мольсть санкциятненъ (Италиянь кувалт карательной мероприятия-ненъ) каршо, 50 государстватне—санкциятненъ тевс ютавтоманть кис. Октябрынь 11-це чистэнь жо Же-невасо заседавал координациянь ко-ряс комитетэсь, конанъ пленумось явтызе сенъ кис, штобу тешкстамс Италиянь каршо карательной ме-ранъ ютавтоманть коряс практиче-ской мероприятият. Комитетэсь тейсь решения, штобу нейке жо лоткавомс лия масторсто Италияв оружиянь ды военной снаряжени-янь усксманть ды истяжо кар-мамс Абиссинияв секе жо пред-метнэнь усксеме.

Англиянь газетатне пачтитъ куля Италиянь рабочейтненъ стака по-ложениядост. Алак лотксе касыть питнетне, истя жо ярасо пелень продукатне лангс. А сатыть ламо продукат—ой, эмежть, модамартъ ды лият. Рабочейтненень а мейсэ рамамс пища ды одижа, секс, што роботамо питнест—пек вишкине.

### ВОЕННОЙ ОПЕРАЦИЯТНЕ АБИСИНИЯСО

(Меельсь кулят)

Англиянь печатесь пачти куля, што Абиссиниянь войскане север-ной фронтсонть октябрынь 10-це чистэнь веть алак учонъ кеме эземасо мекев, сайзь Адуа ошонть, маштнизь весе итальян-ской горнизонотъ—кавто пель мар-то (2<sup>1</sup>/<sub>2</sub>) тыщат ломанть ды сайть ламо оружият ды патронт. Ита-лиянецтнэ лангс каявомсто ламо емавтэ абиссинецтнэяк. Абисси-нецтнэнь ды итальянецтнэнь ютксо ульнестъ пек виев бороцямо, кона мольсь весе вентъ дерть, ламонъ таркава жо бороцямо мольсь мокшнасо.

Северной фронтонъ лия участ-катнесэ, весе даннойтненъ коряс, итальянецтнэнь кармась улеме за-минка военной действиятнесэ.

Южной фронтсонть, косо эце-мась моли Италиянь Самоли коло-ниянь ендо, бороцить Горахам ошонть саеманзо кис. Наступле-нядонть икеле Италиянь самолетнэ тейнестъ пек виев бомбардировка

абиссинской позициятне лангс. Италиянецтнэнь мелест эзь витеве самолетсто газовой бомбанъ ертне-масонть, ды сынъ ней тевс нол-дасть абиссинецтнэ каршо эрва крдат химической, конатне эйстэ емсиль ламо абиссинецт. Ламо сал-дат сокоргадъ, пек пицевств Италиянь войскане эрва чистэ ертнить абиссинской войскатненъ аштема таркатнес ды оштнэ, ве-летне лангс 400 аволь седе аламо сядо пондонъ сталмосо бомбат.

Абиссинецтнэ пеле чи ено ю-со) ветить истямо жо тактика, ко-дамо пелеве ено (северсэ), ламо тейнить партизанской действият, бажить ютамс итальянской линия-тне пачк ды эцемс Италиянь Само-линь территория лангс.

### АБИССИНЕЦТНЭ НЕВТИТЬ ИТАЛИЯНЪ ВОЙСКАТНЕНЕНЪ УПОРНОЙ СОПРОТИВЛЕНИЯ

Английский печатентъ кулянъ лачтямонть коряс север-ной фронтсо (Италиянь колони-янь Эритреянь енто) Италиянь войскане самолетнэнь, танкатненъ ванстамост марто 95 километрнэ келесэ эцить Абиссиниянь терри-ториятненъ 15-45 километр. Да-накил провинциясо Италиянь вой-скане эцетъ 35 километр пус-тыняс. Сынъ мукшныть лисьмат ды мода потсто лисьма прят ва-лязь салсо.

Южной фронтсо (Италиянь ко-лониянь Самали енто) Италиянь 50 тыщат салдат вестить наступле-ния Горахай ошонть лангс. Алак вано воздушной налетонть ды хи-мической бомбасо бомбардиро-ванть лангс, сынст те шкас кода-як а теснявить абиссинской часть-не.

Франциянь печатесь сермады, што Абиссиниянь войскане аволь ансяк невить серьезной сопротив-ления итальянской наступления-тень, конатне беряньстэ вооружен-ной противникентъ каршо ютав-тыть тевс военной од техника, но тейнить контрнаступления. Теке жо шкастонть сынъ ютавнить итальянской войскатненъ лангс алак лотксе ды алак учне кайсе-вемат.

Иностранной печатесь сермады теде, што Италиянь кото тыщат туземной войска, шачовт ита-льянской Самали орголестъ ды ютасть Абиссиниянь енов, истяжо север-ной фронтсо, итальянецтнэнь тыл-сэ, туземецтнэнь улезь восстания-донть. Восстаниясь ульнестъ лепш-тазь самолет марто.

Иностранной ламо газетат тешк-стыть, што абиссинецтнэ успешна-сто саять кедезст современной оружиянь ды неень шкасто вой-нанъ велямонъ методонть Италиянь воздушной атакатне эсть тее па-ника Абиссиниянь войсканес.

Абиссинецтнэ пурныть покш ар-мия—малав 600 тыщат войска. Аддис-Абебы столицанть северной енс.

### Мокшэрзянь литературанъ чокшне

Октябрынь 17-це чистэнь 8 чассто мокшэрзянь пединститутонъ литера-турной факультетэсь вейсэ мокшэр-зянь Советской писателень союзонъ правлениянь марто организови мокшэрзянь литературанъ чокшне сенъ кувалт, што институтсонть пан-жови келень ды литературанъ ка-бинет ды эйсэнэ литконсультациянь бюро.

Программась:

1. Вступительной вал евты фа-культетэнь деканось Г. Петров ялгасъ: „Мокшэрзянь литературась ды сонзэ тарказо педагогической кадрнэ анокстамонъ системасонть.“ Кармить кортамо научной роботникт ды писательт.

2. Художественной часть—мок-шэрзянь писательтне ловныть эсист произведенияст. Ули литературной викторина. Пединститутонъ ды муз-драмтехникумонъ хэртнэ морыть народной морот.

3. Киштнемат.  
Чокшнесэнь ули мокшэрзянь ли-тературанъ выставка.

Ответ. редакторось М. ЛЮПАЕВ.